



UCAPAN YANG AMAT BERTHORMAT
PERDANA MENTERI, DATO HUSSEIN ONN,
DI JAMUAN BANQUET DEWAN BANDARAYA
SEMPENA HARI ULANGTAHUN PENUBUHAN
WILAYAH PERSEKUTUAN, DI HOTEL
HILTON, PADA HARI JUMAAT 2.2.1979
JAM 8.00 MALAM.

1. Yang Berbahagia Datuk Bandar
Tan Sri Yaacon Latiff dan Puan Sri Rahmah,

2. Yang Berhormat Tan Sri Omar Ong Yoke Lin dan
Puan Sri,

3. Yang Berhormat Datin Paduka Aishah Ghani,

4. Tan Sri-Tan Sri, Puan Sri-Puan Sri,

5. Datuk-Datuk dan Datin-Datin,

6. Tuan-tuan dan Puan-Puan yang dihormati sekalian

Saya mengucapkan terima kasih dan penghargaan di atas jemputan Yang Berbahagia Datuk Bandar untuk bersama-sama di majlis yang gilang gemilang ini. Peluang yang diberi

bagi saya menemui dan berucap kepada ketua-ketua di bidang swasta dan pemimpin-pemimpin masyarakat di Wilayah Persekutuan,sempena Hari Ulangtahun Penubuhan Wilayah ini, amatlah berfaedah.

2. Saya sukalah mengambil peluang ini, mengucapkan setinggi-tinggi tahniah dan berbilang-banyak terima kasih,kepada Yang Berbahagia Datuk Bandar, pegawai-pegawai dan kakitangan Dewan Bandaraya, Jabatan-jabatan Kerajaan yang lain, serta pemimpin-pemimpin masyarakat Kuala Lumpur, yang telah memberi sumbangan jasa bakti terhadap

... 3/-

pembangunan, pentadbiran dan perancangan Ibu Negara ini dan masyarakatnya.

3. Dengan secara kebetulan pula, Ihb. Februari adalah juga menjadi hari lahir Yang Berbahagia Datuk Bandar kita. Oleh yang demikian, sempena dengan majlis yang meriah ini saya, bagi pihak para hadirin sekalian, sukalah mengambil kesempatan mengucapkan tahniah kepada Yang Berbahagia Tan Sri Yaacob Latiff. Saya di fahamkan bahawa, 43 tahun dari 61 tahun usianya, telah dikorbankan kerana berkhidmat dengan Kerajaan dan negara. Kita semua terhutang budi kepada Yang Berbahagia Tan Sri Yaacob Latiff atas jasa-jasanya kepada bandaraya ini

selama 6 tahun dia bertugas sebagai Datuk Bandar. Marilah kita berdoa moga-moga Tan Sri Yaacob dan Puan Sri Rahmah sentiasa berada di dalam keadaan sihat walafiat, dan akan terus berbakti kepada masyarakat.

Tuan-tuan dan Puan-puan sekalian.

4. Semenjak Wilayah Persekutuan di tubuhkan 5 tahun yang lalu, Kerajaan Persekutuan telah memberi perhatian terhadap perancangan, pembangunan dan pentadbiran Ibu Negara ini. Di dalam Rancangan Malaysia Ketiga, peruntukan sejumlah lebih dari \$450 juta, telah disediakan untuk Dewan Bandaraya melaksanakan projek-projek dan program pembangunan

di Wilayah Persekutuan. Ini tidak termasuk peruntukan kewangan dari Dewan Bandaraya sendiri dan peruntukan-peruntukan kepada 28 Jabatan-Jabatan dan Agensi-Ajensi Kerajaan yang lain di Wilayah ini. Semua pelaksanaan rancangan dan projek pembangunan bandar dan kebajikan masyarakat di Wilayah Persekutuan ini, adalah diberi perhatian yang sewajarnya.

5. Program-program dan projek-projek dari segi 'infrastructure', kemudahan-kemudahan 'utilities', projek-projek sosial seperti perumahan, terutama rumah-rumah harga murah, kesihatan,

kemudahan-kemudahan asas, rekreasi dan kebajikan, program-program dari segi keugamaan dan rohaniah, projek-projek perindahan dan peluang-peluang perniagaan bagi Bumiputra dan lain-lain lagi,telah dan akan terus dilaksanakan. Di sini,saya ingin tegaskan bahawa kerajaan memanglah sedar tentang keadaan jalanraya yang penuh sesak dengan kenderaan, dan kekurangan rumah-rumah berharga murah yang mampu di miliki oleh kaum pekerja. Sebenarnya, Kerajaan sentiasa mencari jalan mengatasi masalah-masalah ini. Tetapi kita mestilah ingat,perkara sebegini rupa memakan masa yang lama,dan kita terpaksa

menjalankannya secara beransur-ansur. Dari segi jentera perancangan, pentadbiran dan pelaksanaan, Kerajaan mempunyai keupayaan atau 'capacity' yang memuaskan.

6. Kerajaan akan terus berusaha supaya hasrat dan cita-citanya membangun Kuala Lumpur sebagai pusat perdagangan antarabangsa, dapat dijadikan kenyataan dalam jangka masa yang singkat. Oleh kerana barang-barang perdagangan penting antarabangsa merupakan hasil pengeluaran utama negara kita, maka sudah sampailah masanya Malaysia mengambilalih pengendalian kegiatan Pasaran Barangan Pelbagai (Multi Commodity Exchange. ... 81-

hubungan ini, kita mestilah melengkapkan bandaraya kita, dengan segala kemudahan dan perkhidmatan yang diperlukan, supaya Kuala Lumpur dapat mengendalikan kegiatan ini dengan licin, cekap dan cepat.

7. Kita harap, dengan adanya Pasaran Barangan Pelbagai ini, hasil pengeluaran barang-barang utama Malaysia seperti getah, minyak sawit dan bijih timah, dapatlah diperdagangkan di Kuala Lumpur. Dengan jalan ini, maka dapatlah kita menyertai dengan lebih aktif lagi dalam kegiatan-kegiatan pemasaran antarabangsa ini. Bagi mencapai matalamat ini, Kerajaan telah mengadakan satu kajian bagi mengadakan segala kelengkapan, kemudahan dan perkhidmatan yang diperlukan, bagi

mewujudkan Pasaran Barangan Pelbagai. Deraf undang-undang untuk mewujudkan pasaran itu

8. Sungguhpun pada masa ini kita mempunyai sebilangan hotel-hotel yang bertaraf antarabangsa, kemudahan perhubungan yang sempurna, dan lain-lain kemudahan perdagangan, kita perlu membanyakkan lagi kemudahan-kemudahan, serta meningkatkan lagi kecekapan perkhidmatan kita supaya ia boleh jadi lebih menarik kepada pedagang-pedagang besar dunia.

9. Kita juga sedang giat membaiki kemudahan-kemudahan lapangan terbang. Daripada tahun ini, Lapangan Terbang Antarabangsa Subang, akan memulakan

perkembangan yang pesat. Kerajaan telahpun menyediakan peruntukan sebanyak \$100 juta kerana nya.

Bagi jangka masa pendek, kita akan memperbaiki lagi kemudahan-kemudahan untuk kesenangan penumpang seperti dewan tiba, kemudahan kastam dan lain-lain.

Untuk memberi keselamatan lebih rapi, alat-alat pemeriksaan termoden akan dibekalkan. Memandang jauh ke hadapan lagi/ banqunan terminal kedua berharga \$12 juta, akan di bina pada akhir tahun ini.

Dan pada akhir tahun 1981, kerja pembaharuan terminal yang ada sekarang ini, akan dimulakan.

Ini akan menelan belanja sebanyak \$81 juta. Apabila semua kerja pembaikan lapangan terbang ini siap,

ia akan dapat menampung tiga kali ganda daripada jumlah penumpang dan khidmat cargo yang terdapat sekarang ini.

10. Bagi memudahkan pihak-pihak yang perlu mengadakan persidangan di Kuala Lumpur, Dewan Tunku Abdul Rahman di Jalan Ampang, akan di bina semula, supaya menjadi sebuah pusat persidangan yang lengkap dan moden. Apabila siap, ia akan dapat menampung kira-kira 2,000 orang, di samping menempatkan sebuah balai seni lukis dan ibu pejabat Jabatan Pelancungan.

Tuan-tuan dan Puan-puan sekalian.

11. Di dalam usaha Kerajaan menjadikan Kuala Lumpur sebuah bandaraya perdagangan, kita sedang menjalankan satu kajian untuk menukarkan Ibu Negara kita ini, menjadikannya sebuah pusat perdagangan yang cekap. Pelan Induk Kuala Lumpur ini akan siap pada akhir tahun 1980, dan akan mengandungi kajian mengenai perangkaan fizikal s sosio-ekonomi dan sebagainya

11 A. Sehingga masa ini, sudah banyak projek-projek membaiki dan membina lebuh raya di jalankan.

Dengan siapnya segala projek ini kelak, mudahlah
12/-

lagi lalulintas masuk ke Kuala Lumpur dari semua
hala. Sesungguhnya & kemudahan jalanraya adalah
satu daripada 'infrastructure' yang paling asas
bagi sesebuah pusat perdagangan. Lebuhraya
Persekutuan ke Seremban dan Lebuhraya Karak,
seperti yang kita sedia maklum, telahpun siap dan
digunakan. Dalam pada itu, kerja-kerja sedang
dipergiatkan bagi memperbesarkan Jalan Syed Putra
menjadi lebuhraya 8 lorong, dan dijangka siap
pada tahun 1980. Begitu juga halnya dengan
Jalan Bangsar, yang dijangka akan diperluaskan
menjadi 6 lorong menjelang tahun 1981. Kita
juga sedang membina dua 'ring road' dan membaiki
lagi lebuhraya ke Utara. ... 13/-

Puan² dan Puan² sekalian.

11B. Bukanlah menjadi tugas Kerajaan semata-mata, dalam usaha membentuk sebuah bandar perdagangan yang cekap. Semua pihak, termasuk orang perseorangan, sektor swasta dan mereka yang bekerja sendiri, mempunyai peranan dan tanggungjawab masing-masing.

12. Seseorang peniaga asing yang menjalankan urusan perniagaan di sini, tentulah memerlukan kerjasama sepenuhnya dari peniaga-peniaga dan orang perseorangan tempatan. Baik atau buruknya pandangan orang-orang asing ini keatas bandaraya kita* banyak bergantung kepada layanan yang mereka terima. Jikalau baik layanan kita, dan segala urusan perniagaan mereka berjalan lancar, maka baiklah juga imej kita di mata mereka dan juga rakan-rakan pedagang di negara mereka. Imej perkhidmatan yang baik, dalam jangka masa yang panjang, tentu sekali akan menguntungkan kita.

13. Kita juga berharap dapat memperindahkannya lagi Kuala Lumpur, untuk memberi kemudahan berehat kepada mereka yang ada tugas di bandaraya ini. Usaha-usaha sedang berjalan dan akan diteruskan, untuk mencapai matalamat menjadikan Kuala Lumpur sebuah "garden city". Satu contoh ialah projek Taman Bunga Kiara?seluas 200 e k a r , y a n g sedang dirancang. Pada tahun 1979 ini, satu projek khas akan dilaksanakan bagi mencantikkan kawasan di pertemuan Sungai Kelang dan Sungai Bonos di mana terdapat banyak bank perdagangan.

14. Di sini saya ingin mengingatkan bahawa, adalah menjadi tanggungjawab semua pihak ----Kerajaan,

sektor swasta, orang ramai, bahkan seluruh negara bagi mengindahkan dan memelihara keindahan Bandaraya kita ini. Kita mestilah ingat yang Kuala Lumpur ini di milik oleh seluruh negara, dan bukan hanya oleh penduduk-penduduknya sahaja. Marilah kita berusaha bersama-sama menjayakan tugas ini. Penduduk-penduduk Malaysia seluruhnya, serta juga organisasi-organisasi perusahaan dan perniagaan yang bersifat 'corporate citizens', berkewajipan menerima Kuala Lumpur sebagai bandaraya "untuk kita semua". Oleh itu, segala kebaikan yang di lakukan terhadapnya, ialah kebaikan untuk kita bersama.

Tuan-tuan dan Puan-puan sekalian.

15. Memandangkan betapa pentingnya segala perkara yang telah saya sebutkan tadi, maka Kementerian Wilayah Persekutuan telah pun di tubuhkan di bawah tanggungjawab saya sendiri. Dengan adanya Dewan Bandaraya yang berpengalaman, dibawah pimpinan Yang Berbahagia Datuk Bandar,dengan kakitangannya yang berjumlah seramai lebih dari 9 ribu, 28 Jabatan-Jabatan dan Badan-Badan Kerajaan, bersama-sama dengan pakar-pakar perunding dan profesional dari swasta tempatan dan luar negeri, kita memang mempunyai "capacity" yang cukup,untuk melaksanakan Rancangan Malaysia Ketiga di Wilayah Persekutuan ini.

16. Sesungguhnya, memang banyak lagi yang perlu dijalankan di Wilayah Persekutuan ini. Keperluan dan kehendak rakyat, tidak mungkin dapat dipenuhi dengan tepat dan berkesan dalam satu jangka masa yang singkat. Projek-projek dan program-program perlu dilaksanakan dengan cekap, supaya rakyat, terutama dari golongan yang dhaif, dapat mengecap nikmat-nikmat pembangunan negara. Prestasi jentera pentadbiran Dewan Bandaraya, dan jentera pelaksanaan Jabatan-Jabatan Kerajaan dan Badan-Badan Berkanun, perlu dipertingkatkan mutunya dari masa ke semasa. Sudah semestinyalah

bagi negara yang sedang pesat membangun, seperti negara kita ini, terutama sekali di bandaraya ini sendiri, di mana jumlah penduduk sentiasa bertambah, keperluan-keperluan masyarakat sentiasa mendesak kearah mencapai matlamat dan kebahagiaan hidup yang lebih tinggi. Saya sukalah menegaskan di sini, bahawa Kerajaan telahpun memberi satu "commitment" terhadap pembangunan Ibu Negara ini, dan "commitment" ini telah dibuktikan dengan jumlah peruntukan kewangan dan jentera pelaksanaan yang besar.

17. Saya harap, pihak sektor swasta dan pemimpin-pemimpin masyarakat juga, kan menunaikan "commitment" mereka masing-masing, supaya matalamat kita menjayakan
... 20/-

cita-cita dan hasrat membangunkan Wilayah Persekutuan ini, khasnya Bandaraya Kuala Lumpur, dapat dicapai sepenuhnya. Saya juga menyeru penduduk-penduduk Wilayah Persekutuan seluruhnya supaya menunaikan peranan dan tanggungjawab mereka membantu Kerajaan menjadikan Ibu Negara ini sebuah bandar yang lengkap, indah, bersih dan berdisiplin.

Tuan-tuan dan Puan-puan sekalian.

18/20. Sebenarnya, kita bukan mementingkan pembangunan Kuala Lumpur dan Wilayah Perse-tuan sahaja. Kerajaan akan mengambil langkah untuk mengkaji dengan telitinya, perkembangan perbandaran bagi seluruh negara. Proses perbandaran di negara ini, sedang berjalan dengan pesat sekali, terutamanya di kawasan-kawasan seperti Lembah Kelang, Lembah Kinta dan beberapa Ibu

Negeri lain di utara, selatan

dan timur,serta Sabah dan Sarawak. Proses ini, jika tidak dirancang dengan teliti dan di kawal dengan rapi, akan mendatangkan berbagai-bagai akibat yang buruk kepada masyarakat dan negara. Masalah-masalah biasanya akan timbul,akibat dari perbandaran yang pesat seperti pertaburan dan perkampungan penduduk, "infrastructure", perumahan, kemudahan-kemudahan dan pekerjaan bagi rakyat,selain dari implikasi-implikasi terhadap ekonomi dan kehidupan di luarbandar.

21. Kementerian Wilayah Persekutuan telah

dan proses perbandaran di Wilayah Persekutuan,

serta di seluruh Lembah Kelang, dengan tujuan mengenai segala aspek-aspek yang penting, berkaitan dengan perkara ini. Kajian ini, dan garis panduan bagi kawasan di sini, akan dijadikan contoh untuk mengkaji perkembangan kawasan-kawasan perbandaran di seluruh tanahair. Pusat-pusat bandar yang besar, perlu diselaras dan dirancangkan secara "comprehensive", supaya masing-masing mempunyai peranan-peranan dan "specialisation" nya-untuk mengelakkan "duplication of efforts and functions" dan "unnecessary investment" di bandar-bandar tersebut. Penyelarasan ini, juga dapat menolong

menentukan pencapaian matalamat negara dengan tepat dan sepenuhnya.

22. Jelaslah, dalam usaha kita untuk membangunkan Wilayah Persekutuan, dan juga kawasan-kawasan lain di negara kita, Kerajaan sentiasa memikirkan kepentingan semua golongan rakyat, supaya faedah dan nikmat daripada rancangan-rancangan pembangunan, akan dapat di rasai bersama. Oleh itu, sekali lagi saya ingin menegaskan, bahawa semua pihak haruslah memberikan sokongan yang tidak berbelah bagi, kepada usaha-usaha pembangunan yang saya sebutkan tadi.

... 27/-

23. Akhirnya, saya sekali lagi mengucapkan terima kasih dan penghargaan kepada semua pihak, yang telah bersama-sama menjayakan majlis ini, dan juga acara-acara sambutan yang lain, sempena dengan perayaan ulangtahun kelima penubuhan Wilayah Persekutuan ini.

Terima kasih.



No Siri 418
No Penerimaan 54/81